



REPUBLIKA E SHQIPËRISË



BASHKIA SHKODËR



HOPE FOR THE WORLD

FONDACIONI
"HOPE FOR THE WORLD"

Nr. 2758 Prot
Shkodër, më 11.02.2025

Nr. 6 Prot
Shkodër, më 11.02.2025

MARRËVESHJE BASHKËPUNIMI

E lidhur sot në Bashkinë Shkodër, me datë ____/____/____, ndërmjet palëve si më poshtë vijon:

Bashkia Shkodër, me Kryetar të Bashkisë z.Benet BECI, përfaqësuar në këtë marrëveshje me vendim delegimi nga Zv/Kryetari z.Onid BEJLERI, madhorë me zotësi të plotë për të vepruar, me adresë Rr. 13 dhjetori, Shkodër, këtë e tutje e cilësuar si "Bashkia".

dhe

Fondacionit "Hope for the World", rregjistruar sipas vendimit të gjykatës nr.174, dt. 04.01.1996, me nr. NIPT J62214001L, përfaqësuar nga z.**Alfred Zefi**, mbajtës i kartës së identitetit me nr.letërnjoftimi 032318024, nr.personal H70412127B në cilësinë e drejtorit, madhor dhe me zotësi juridike të plotë për të vepruar, adresa: Rr. "Kuklej", Shkodër.

Baza ligjore

Kjo Marrëveshje bashkëpunimi lidhet në përputhje me:

- Ligjin nr. 139/2015 "Për Vetqeverisjen Vendore" i ndryshuar;
- Ligjin nr.7850 datë 29.07.1994 "Kodi Civil i Republikës së Shqipërisë" të ndryshuar;
- Ligjin nr. 8788 datë 07.05.2001 "Për organizatat jofitimprurëse" të ndryshuar;
- Ligjin nr. 121/2016 "Për shërbimet e kujdesit shoqëror në Republikën e Shqipërisë";
- Ligjin nr .10221 , datë 04.02.2010 "Për mbrojtjen nga diskriminimi" i ndryshuar;
- Ligjin nr. 18/2017 "Për të drejtat dhe mbrojtjen e fëmijës";
- Ligji nr.10071, datë 09.02.2009 "Për Ratifikimin e Konventës së Këshillit të Europës për mbrojtjen e fëmijëve nga shfrytëzimi dhe abuzimi seksual";

- VKM nr.658 datë 17.10.2005 “Për standartet e shërbimeve shoqërore”;
- VKM nr.149,datë 13.03.2018 “Për kriteret, dokumentacionin dhe procedurat për evidentimin e familjes kujdestare për fëmijët pa kujdes prindëror dhe masës së financimit për shpenzimet e fëmijës së vendosur në familje kujdestare”;
- VKM nr.518,datë 04.09.2018 “Për shërbimet e kujdesit shoqëror komunitar e rezidencial, kriteret, procedurat për përfitimin e tyre dhe masën e shumës për shpenzime personale për përfituesit e shërbimit të organizuar”;
- VKM nr.465,datë 03.07.2019 “Për masat për mbrojtjen e fëmijëve nga aksesit në përmbajtje të paligjshme dhe/të dëmshme në internet”;
- Pakti Ndërkombëtar për të Drejtat Civile dhe Politike;
- Konventa e OKB-së “Mbi të Drejtat e Fëmijës”, datë 20.11.1989.

NENI 1 OBJEKTI I MARRËVESHJES SË BASHKËPUNIMIT

Kjo marrëveshje bashkëpunimi ka për objekt përmirësimin e kushteve për mbështetjen, përkujdesjen, mirërritjen dhe edukimin e rreth 30 fëmijëve që trajtohen pranë Qendrës Multifunksionale “Për Familjen” nga bashkia Shkodër.

NENI 2 DETYRIMET E PALËVE

1. Bashkia Shkodër merr përsipër:

- Të bashkëpunojë me fondacionin për realizimin e aktiviteteve në ambientet e nevojshme që do të përdoren bashkërisht në Qendrën Multifunksionale “Për Familjen” të bashkisë Shkodër.
- Të jenë disponibël me përfaqësuesit e Fondacionit për t’u ofruar të dhënat personale të fëmijëve që kanë të bëjnë me lindjen, prejardhjen, edukimin, karakterin, prirjet etj....., për të mundësuar veprimin sa më funksional të aktivitetit të Fondacionit.
- Të lejojnë vizita miqësore të individëve apo grupeve të ndryshme misionarësh të huaj, të organizuara nga fondacioni, të cilët edhe mund të kontribuojnë në ndihmë të projektit.
- Të lejojnë vendosjen e mjeteve promocionale (postera, foto, etj.) të Fondacionit “Hope for the World ” në ambientet Qendrës Multifunksionale “Për Familjen”.
- Të respektojë zbatimin e ligjeve dhe rregullave për administrimin e kontributit material e financiar të Fondacionit.

2.Fondacioni “Hope for the World”, nëpërmjet përfaqësuesit të vet, në bashkëpunim me Drejtorinë e Shërbimeve Sociale, Rinisë, Strehimit dhe Shëndetit publik, merr përsipër:

- Të organizojë dhe të mbështesë financiarisht përgatitjen dhe shërbimin e **një vakti ushqimor**, specifikisht **drekë**, për fëmijë të komunitetit rom, egjiptian dhe familjeve të tjera në nevojë, të cilët marrin shërbime apo trajtohen pranë Qendrës Multifunkionale “Për Familjen”. Kjo mbështetje do të realizohet për periudhën shkollore javore **nga e hëna deri të premten**, me një vlerë totale prej \$6400.
- Të mbështesë familjet e fëmijëve përfitues me një takim mujor trajnues, zhvillues, dhe motivues mbi tematikat e mëdha të familjes si: jeta familjare, mbrojtja e fëmijëve, mirë-rritja e fëmijëve, zhvillimi emocional dhe shpirtëror, mirëmbajtja e higjenës personale dhe familjare, menaxhimi i burimeve jetësore,etj. dhe me pako ushqimore mujore, vlera financiare e të cilave do të jetë \$2000 në total.
- Të organizojë dhe të mbështesë financiarisht ditëlindjen e secilit fëmijë që do frekuentojë rregullisht Qendrën Multifunkionale “Për Familjen”. Për kremtimin sa më të mirë të ditëlindjeve të fëmijëve dhe për bërjen e dhuratave të ndryshme për ta të mbështesë me \$25 secilin prej tyre. (\$1200 në total).
- Të organizojë kamp veror me fëmijët e komunitetit rom, egjiptian dhe të familjeve të tjera në nevojë, me një vlerë prej \$1200 në total.
- Të mbështesë financiarisht transportin e fëmijëve që do frekuentojnë Qendrën Multifunkionale “Për Familjen”, me një vlerë prej \$4800 në total.
- Vlera totale financiare e këtij projekti për periudhën e përcaktuar do të jetë \$16000.
- Fondacioni paraqet raport narrativ dhe financiar **6 mujor** pranë Bashkisë Shkodër, mbi ndërhyrjet, mbështetjen dhe aktivitetet e zhvilluara pranë Qendrës Multifunkionale “Për Familjen”, Shkodër.

NENI 4 NIVELI I SHËRBIMEVE I MARRËVESHJES SË BASHKËPUNITIT

Këto shërbime do të kryhen në përputhje me standartet, kushtet dhe normativat e legjislacionit Shqiptar në fuqi.

Marrëveshja e bashkëpunimit detyron:

- Fondacionin “Hope for the World” që të informojë në organet përkatëse të Bashkisë Shkodër, mbi ecurinë e zbatimit të kësaj marrëveshje bashkëpunimi.
- Drejtorinë e Shërbimeve Sociale, Rinisë, Strehimit dhe Shëndetit Publik pranë Bashkisë Shkodër të monitorojë mbarëvajtjen e aktiviteteve dhe shërbimeve të parashikuara në këtë marrëveshje bashkëpunimi. Në përfundim të marrëveshjes drejtoria përgatit relacion për ecurinë dhe zbatimin e marrëveshjes, si dhe raporton tek kryetari i bashkisë.

NENI 5

ZBATIMI I MARRËVESHJES SË BASHKËPUNIMIT

Palët përgjigjen reciprokisht për përmbushjen e detyrimeve dhe kushteve të parashikuara në këtë marrëveshje bashkëpunimi, për të qënë partnerë në zbatimin e saj dhe të punojnë së bashku për realizimin me sukses të aktiviteteve të tij.

NENI 6

KOHËZGJATJA E MARRËVESHJES SË BASHKËPUNIMIT

Kjo marrëveshje bashkëpunimi hyn në fuqi në ditën e nënshkrimit të saj dhe do të jetë e vlefshme deri 31 dhjetor 2025.

NENI 7

PËRFUNDIMI I MARRËVESHJES SË BASHKËPUNIMIT

Secila nga palët mund të përfundojë këtë marrëveshje në rastet kur:

- a. Mbaron afati i kohëzgjatjes i përcaktuar në këtë marrëveshje bashkëpunimi.
- b. Shkelen dispozitat e ligjit dhe të marrëveshjes së bashkëpunimit;
- c. Palët nuk i përmbahen qëllimit dhe objektit të marrëveshjes së bashkëpunimit;
- d. Për forcë madhore.

Për çdo rast, pavarësisht mënyrës së përfundimit, secila nga palët do të përmbushë të gjitha detyrimet që rrjedhin nga marrëveshja e bashkëpunimit deri në çastin e ndërprerjes së marrëdhënieve.

NENI 8

ZGJIDHJA E MOSMARRËVESHJEVE

Mosmarrëveshjet që mund të lindin ndërmjet palëve zgjidhen me mirëkuptim, me bisedime ndërmjet tyre, deri në gjetjen e një zgjidhje të përbashkët, në të kundërt palët kanë të drejtën t'i drejtohen për zgjidhjen e tyre Gjykatës kompetente.

NENI 9
DISPOZITA TË FUNDIT

Palët përgjigjen reciprokisht për përmbushjen e detyrimeve dhe kushteve të parashikuara deri në fund të marrëdhënieve të kësaj marrëveshje bashkëpunimi, për të qenë partnere në zbatimin e saj, duke punuar së bashku për realizimin e veprimtarive.

Marrëveshja e bashkëpunimit mund të ndryshohet vetëm nëpërmjet një dokumenti me shkrim të nënshkruar nga palët.

NENI 10
HYRJA NË FUQI

Kjo marrëveshje bashkëpunimi hyn në fuqi ditën e nënshkrimit të saj nga palët.

Hartohet në 4 kopje të barazvlefshme në gjuhën shqipe, nga dy kopje për secilën palë.

PËR
BASHKINË SHKODËR

KRYETAR

Z. Benet BECI

ME VENDIM DELEGIMI

Zy/KRYETAR

Onid BEJLERI



PËR
**FONDACIONIN "HOPE FOR THE
WORLD", DEGA SHKODËR**

DREJTOR

Z. Alfred ZEFI

